

१२५

प्रा॒ता रत्नं प्रा॒तरि॒त्वा दधा॒ति तं चि॒क्त्वा अ॒तिगृ॒ह्या नि ध॒त्ते ।
 तेन॑ प्र॒जां वर्ध॑यमान॒ आयू॑ रा॒यस्यो॒षेण॑ स॒चते सु॒वीरः ॥ १ ॥
 सु॒गुर॑स॒त्सुहि॒रण्यः स्व॒श्वो बृ॒हद॒स्मै वय॑ इ॒न्द्रो दधा॒ति ।
 यस्त्वा॒यन्तं॑ वसु॒ना प्रा॒तरि॒त्वा मु॒क्षीज॑ये॒व प॒दिमु॒त्तिना॒ति ॥ २ ॥
 आ॒यम॒द्य सु॒कृतं॑ प्रा॒तरि॒च्छन्नि॒ष्टेः पु॒त्रं वसु॑मता॒ रथे॑न ।
 अं॒शोः सु॒तं पा॒यय॑ मत्स॒रस्य॑ क्ष॒यद्वी॑रं॒ वर्ध॑य॒ सूनृ॑ताभिः ॥ ३ ॥
 उप॑ क्ष॒रन्ति॑ सि॒न्धवो॑ म॒योभु॒व ई॒जानं॑ च॒ यक्ष्य॑माणं॒ च धे॒नवः॑ ।
 पू॒णन्तं॑ च॒ प॒पु॒रि च॒ श्रव॑स्यवो॒ घृत॑स्य॒ धारा॒ उप॑ यन्ति॒ विश्व॑तः ॥ ४ ॥
 ना॒कस्य॑ पू॒ष्टे अ॒धि तिष्ठ॑ति श्रि॒तो यः पू॒णाति॑ स॒ ह दे॒वेषु॑ गच्छ॒ति ।
 तस्मा॑ आ॒पो घृ॒तम॑र्षेति॒ सिन्ध॑वस्तस्मा॒ इयं॑ दक्षि॒णा पि॒न्वते॒ सदा॑ ॥ ५ ॥
 दक्षि॑णावता॒मिदि॑मानि॒ चित्रा॑ दक्षि॒णावता॑ दि॒वि सू॒र्यासः॑ ।
 दक्षि॑णावन्तो अ॒मृतं॑ भजन्ते॒ दक्षि॑णावन्तः॒ प्र ति॑रन्त॒ आयुः॑ ॥ ६ ॥
 मा पू॒णन्तो॑ दु॒रित॑मे॒न आ॒रन्मा जा॑रिषुः॒ सूर्यः॑ सु॒व्रता॑सः ।
 अ॒न्यस्तेषां॑ परि॒धिर॑स्तु॒ कश्चि॒दपू॑णन्तम॒भि सं य॑न्तु॒ शोकाः॑ ॥ ७ ॥

१२६

अ॒म॑दान्स्तोमा॒न् भ॑रे मनी॒षा सि॒न्धाव॑धि॒ क्षिय॑तो भा॒व्यस्य॑ ।
 यो मे॑ स॒हस्र॑ममिमीत॒ स॒वान॒तूर्तो॑ राजा॒ श्रव॑ इच्छ॒मानः॑ ॥ १ ॥
 श॒तं राज्ञो॑ ना॒ध॒मान॑स्य नि॒ष्कान् श॒तम॑श्वा॒न्यतान्स॑द्य आ॒दं ।
 श॒तं क॒क्षीवाँ॑ अ॒सुर॑स्य॒ गोनां॑ दि॒वि श्रवो॑ऽज॒रमा॑ त॒तान॑ ॥ २ ॥
 उप॑ मा श्या॒वाः स्व॒नये॑न द॒त्ता व॒धूम॑न्तो॒ दश॑ रथा॒सो अ॒स्थुः ।
 ष॒ष्टिः स॒हस्र॑मनु॒ गव्य॑मागा॒त्सन॑न्क॒क्षीवाँ॑ अ॒भिपि॑त्वे अ॒ह्नां ॥ ३ ॥
 च॒त्वारि॑ंशद्दश॒रथ॑स्य॒ शोणाः॑ स॒हस्र॑स्या॒ग्रेणि॑ न॒यन्ति॑ ।
 म॒द॒च्युतः॑ कृ॒श॒नाव॑न्तो॒ अ॒न्यान्क॒क्षीवाँ॑ उ॒दमृ॑क्षन्त॒ प॒जाः ॥ ४ ॥
 पू॒र्वा॒मनु॑ प्र॒यति॑मा॒ददे॑ व॒स्त्रीन्यु॑क्ताँ अ॒ष्टाव॑रि॒धाय॑सो॒ गाः ।
 सु॒ब॒न्धवो॑ ये वि॒श्या इ॒व वा॒ अन॑स्वन्तः॒ श्रव॑ ऐष॑न्त॒ प॒जाः ॥ ५ ॥